



BULETINI MUJOR I SËMUNDSHMËRISË INFEKTIVE

(Pasqyra 14/Sh)

DEPARTAMENTI I EPIDEMIOLOGJISË DHE KONTROLLIT TË
SËMUNDJEVE INFEKTIVE

QERSHOR 2021

Buletini Mujor i Sëmundshmërisë Infektive publikohet çdo muaj nga Sektori i Survejancës dhe Shërbimi i Inteligjencës Epidemike, Instituti i Shëndetit Publik (ISHP). Ky Buletin Mujor bazohet në të dhënat e Sistemit Madhor të Bazuar në Sëmundje (SMBS) të raportuara përmes Pasqyrës Mujore 14 Sh. Ai plotësohet në Pasqyrë në formatin EXCEL dhe dërgohet me postë elektronike dhe me postë zyrtare, brenda datës 10 të çdo muaji, në Departamentin e Epidemiologjisë dhe Kontrollit të Sëmundjeve Infektive (DEKSI), Instituti i Shëndetit Publik. Të dhënat e agreguara të Pasqyrës 14 Sh për muajin Qershor 2021 janë të dhënat e raportuara nga Njësitë Vendore të Kujdesit Shëndetësor (NJVKSH) në të gjitha bashkitë e vendit.

1. Sëmundjet diarreike

Sëmundjet diarreike gjatë muajit Qershor 2021 zënë 34.76 % të totalit të sëmundjeve infektive të raportuara me anë të Pasqyrës 14 Sh, dhe paraqesin një incidencë 145.96 /100.000 banorë. Gastroenteritet e paspecifikuara janë të shpërndara në të gjitha bashkitë e vendit dhe zënë peshën kryesore në grupin e sëmundjeve diarreike. Ndërkohë që, në nivel kombëtar helmimet ushqimore paraqesin një incidencë 1.43/100.000 banorë. Rrethet Berat, Bulqizë dhe Durres mbajnë peshën kryesore në raportimin e helmimeve ushqimore. Duhet theksuar që, numri i lartë i rasteve të raportuara me helmime ushqimore dhe gastroenterite është i lidhur me pamundësinë në nivelin e disa rretheve të diagnozës së saktë klinike dhe konfirmimit të saj me diagnozën laboratorike mikrobiologjike.

NJVKSH Shkoder ka raportuar 7 raste të konfirmuara me Salmonelozë jotifoide për muajin Qershor 2021, dhe paraqet një incidencë 5.2/100.000 banorë (7 raste të konfirmuara). Bashkia Shkodër mban peshën kryesore të incidencës së Shigelozës për muajin Qershor 2021 në nivel kombëtar, përkatësisht me incidencë 8.1 /100.000 banorë (11 raste të konfirmuara).

Tabela 1: Frekuencat dhe incidencat e sëmundjeve diarreike për muajin Qershor 2021

(Incidenca raste/100.000 banorë)

	Raste Qershor 2021	Incidenca Qershor 2021 (raste/100.000 banorë)
--	-----------------------	--

Tifo abdominale + Paratifo	0	0
Salmoneloza	7	0.24
Shigelozë (Disenteri bacilare)	11	0.38
Dizenteri amebike	0	0
Toksiko-infeksione alimentare	41	1.43
Gastroenterite (etiologji e panjohur)	4119	143.89
Sëmundje diarreike në total	4178	145.96

2. Sëmundjet e EPI

2.1 Tuberkulozi pulmonar

Gjatë muajit Qershor 2021 janë raportuar 12 raste (Incidenca 0.42 raste/100.000 banore) me Tuberkuloz pulmonar. Nga ekzaminimet laboratorike 11 raste janë konfirmuar sputum pozitiv. Konfirmimi i tyre është kryer në Laboratorin e Referencës të rekomanduara nga dispanseria e rrethit përkatës. Për të gjitha rastet janë lajmëruar dispanseritë përkatëse për të komunikuar me familjarët e tyre, për të kryer kontrollin në vatër bazuar në të gjitha ekzaminimet për depistimin e tyre. Të gjithë pacientët kanë filluar mjekimin sipas skemës përkatëse. Rastet janë të shpërndara në të gjithë vendin përkatësisht, nga një rast në Fier, Kurbin, Lezhe dhe Lushnje, 2 raste në Durres dhe 6 raste të konfirmuara në Tiranë.

Gjatë muajit Qershor 2021 janë raportuar 3 raste me Tuberkuloz ekstrapulmonar në Tiranë. Nga ekzaminimet laboratorike të tre rastet janë të konfirmuar me sputum pozitiv. Konfirmimi i tyre është kryer në Laboratorin e Referencës, Tiranë dhe Fier. Për të gjitha rastet janë lajmëruar dispanseritë përkatëse për të komunikuar me familjarët e tyre, për të kryer kontrollin në vatër bazuar në të gjitha ekzaminimet për depistimin e tyre. Të gjithë pacientët kanë filluar mjekimin sipas skemës përkatëse. Rastet janë perkatesisht: dy në Tiranë dhe një në Fier.

3. Zoonozat

Gjatë muajit Qershor 2021 me anë të Sistemit Madhor të Bazuar në Sëmundje (SMBS) të raportuara përmes Pasqyrës mujore 14/Sh është raportuar në nivel vendi një rast i dyshuar me leptospiroze në Fier, mashkull, i grupmoshës 60-64 vjeç. Rasti po trajtohet në menyrë ambulatorie.

Gjate muajit Qershor 2021 janë raportuar 5 raste me Bruceloze (Incidenca 0.17 raste/100.000 banore), 3 raste të konfirmuara në Librazhd (Incidenca 9.4 raste/100.000 banore) dhe perkatesisht nga një rast i suspektuar në Lushnje dhe Kolonje. U krye komunikimi me strukturat veterinare dhe shërbimin epidemiologjik për ndjekjen e rasteve në vatër.

**Tabela 2: Frekuenca dhe incidencat e sëmundjeve Zoonotike në Qershor 2021
(Incidenca raste/100.000 banorë)**

	Raste, Qershor 2021	Incidenca Qershor 2021 (raste/100.000 banorë)
Antraks (Plasje)	0	0
Brucelozë	5	0.17
Leptospirozë	1	0.03
Leishmaniaza viscerale	0	0
Leishmaniaza kutane	0	0

4. Hepatitet virale

Në raportimin mujor të sëmundshmërisë infektive gjatë muajit Qershor 2021 janë raportuar në total 12 raste me hepatit viral (Incidenca 0.42 raste/100.000 banore) nga të cilat dy raste janë raportuar si Hepatit viral i paspecifikuar, 9 raste me Hepatiti Viral B (Incidenca 0.31/100.000 banorë) nga të cilat, 8 raste të konfirmuar në Tiranë (incidenca 1.43 /100.000 banorë) dhe një rast i dyshuar i raportuar nga NJVKSH Devoll. Në lidhje me hepatitin viral as A as B është raportuar një rast i dyshuar në Lushnje (Incidenca 1.19 raste/100.000 banorë).

5. HIV/AIDS

Në muajin Qershor 2021 janë kryer në total 38 ekzaminime për HIV në Njësinë e Laboratorëve në Institutin e Shëndetit Publik (ISHP). Nga këto ekzaminime, 6 prej tyre kanë rezultuar pozitive (4 meshkuj dhe 2 femra), Incidenca 0.2 raste/100.000 banore. Rastet pozitive i përkasin moshave të ndryshme, përkatësisht nga 30 deri 68 vjeç. Rastet pozitive janë nga rrethet Tiranë, Elbasan dhe Peqin. Mostrat e gjakut që kanë rezultuar pozitive kanë ardhur në ISHP nga QSUT (Spitali Infektiv), QKTGJ, vullnetar, laborator privat (GENIUS) dhe shoqata të ndryshme.

INSTITUTI I
SHËNDETIT PUBLIK

DEKSI